

tione, & elegantissima earum Mathematica, structura, omnia minora sunt, quam ut unicam particulam vel moleculam accurate definiant. Quotquot in Orbe sunt Phyci, in unico flore vel folio per omnia habebunt Secula, quod scrutentur.

## §. IX.

### *Nos ipsos non cognoscimus.*

Quam infirme de Mentis Natura & operationibus quicquam affirmare possimus, experitur quivis homo animadvertens. Sed in præsentiarium corpus tantum considerandum sumimus. Cum Socrate tamen & Cartesio de ejus existentia dubitare nolumus. Sensus interiores primum sunt, quod tractant communiter in eo Phyci. Sed quid de iis affirmabimus, cum nec experientia firmiter nobis quicquam demonstrent. Sunt probabiles conjecturæ, prætereaque nihil. Ipsa anima sentiens, vel in brutis ignota latet, & nec Gassendus, nec Fabri, neque Willisus ignem vitalem, quorsum sic dictos Spiritus Animales referimus, satis declarabit. Nam de Animæ Sentientis origine, sensu & motu inextricabiles sunt Controversiæ. Quæ speciatim de sensibus externis notanda sunt, in priori Capite tractata sunt. De motu autem tanquam altera animali facultate est adhuc profundior Controversia. Motus naturales in Corde, respiratione, concoctione &c. nemo mortalium, quoad causas investigavit; cū cerebri structura, quæ præcedanea esse debebat, prorsus sit ignota.

In